


ՕՃՈՒՆԻ ՏԱՃԱՐԻ ԿԱՌՈՒՑՄԱՆ ԺԱՄԱՆԱԿԻ ՄԱՍԻՆ

Ա. Ն. ՇԱՀԻՆՅԱՆ

Օձունի տաճարի արևելյան պատին, դրսից փորագրված է երկաթագիր, գեղաբանդակ, մեկ տողանի փակագիր հնագույն մի արձանագրություն, որը լույս է սփռում հուշարձանի կառուցման ժամանակը որոշելու հարցում:
Արձանագրությունը խիստ հողմահարված է և ունի հետևյալ պատկերը (նկ. 1):



Նկ. 1

Դրա վերծանությամբ զբաղվել են մի շարք մասնագետներ¹: Պ. Մուրադյանը հիշյալ արձանագրությունը մեկնել է հետևյալ կերպ. «Կողմաս... [զ]շ[ինաւղ] սուրբ տնակի, ողորմեա [ով սուրբ] Թեոդորոս»²:

Արձանագրության նման վերծանությունը չի կարելի ընդունելի համարել հետևյալ պատճառներով: Նախ, որ արձանագրության սկզբի «Կողմաս» անունից հետո մինչև «Շ» տառը՝ երկու քարի վրա, որտեղ կարող էր տեղավորվել Տ—Ս տառ, ոչինչ չի պահպանվել: Այնուհետև մինչև «Ս» տառը, որտեղ կարող էր լինել Ճ—Շ տառ՝ դարձյալ ոչինչ չի մնացել, իսկ «ողորմեա» բառից մինչև «Թեոդորոս» բառը պակասում է 3—4 տառ:

Արձանագրության ենթադրյալ «սուրբ» բառի «ս»-ից առաջ հազիվ նկատվում է ինչ-որ տառի ներքին ստեղծ, որը անտեղի նույնացվել է «ղ» տառի ներքևի ստեղծին և վերականգնվել «ղ»: Դրանից էլ ելնելով՝ վերականգնվել է «Շ» տառի հետ միասին «Շինաւղ» կամայական բառը: Այստեղ պետք էր որոնել «շ»-ով սկսվող մեկ այլ բառ: Կարելի է ենթադրել նաև, որ այն ամեն-

1 Հ. Մ և Լ ի ր ս ե թ - Բ ե կ, Հայաստանի VII դարու արձանագրություններից. «Տեղեկագիր» ՍՍՍՐ գիտությունների ակադեմիայի Հայկական ֆիլիալի, 1941, Երևան, № 9 (14), էջ 64—65, Գ. Շ ա խ կ յ ա ն, Օձունի եկեղեցու վաղ շրջանի արձանագրությունները, ՀՍՍՀ ԳԱ «Լրաբեր» (հաս. գիտ.), 1972, № 9, էջ 90—100: «Թեոդորոս» բառից հետո տեղում պահպանվել է ևս երկու տառի մնացորդ, որոնցից ակնհայտ երևում է երկրորդի մի ստեղծ, որը և կարող էր պատկանել Ա, Ս և Ն տառերից մեկին:
2 Պ. Մ. Մ ու ռ ա դ յ ա ն, Դիտողություններ Օձունի արձանագրությունների վերծանման առթիվ, ՀՍՍՀ ԳԱ «Լրաբեր» (հաս. գիտ.), 1973, № 6, էջ 74:

ներին էլ «չ»-ով սկսվող բառ չէ, ինչպես պարզվում է ստորև: Մեզ թվում է, որ ենթադրյալ «դ» տառի տեղում պահպանված ստեղծ կարող էր պատկանել զ, ձ կամ շ տառերին (բայց ավելի հավանական է վերջինս) և «ս» տառի հետ կազմում է ինչ-որ մի բառի վերջին մասնիկը:

Այնուհետև արձանագրության փակագիրը վերծանվել է «սուրբ տնակի»:



Նկ. 2

Այս վերծանությունը չի կարող ընդունելի համարվել, որովհետև հայ վիճագրությունը լավառեղյակ մասնագետը անմիջապես կնկատեր, որ մեզանում «սուրբ» բառը նման փակագրություն չունի և չի ունեցել: Հայ վիճագրության մեջ այն ունի արտադրման կանոնիկ ձև. կամ այն գրվել է ամբողջական «սուրբ», կամ էլ՝ ՍԲ հապավված ձևերով ու պատիվով, հետևաբար այդ բառը չի կարող «սուրբ» վերծանվել: Ներկա դեպքում ենթադրյալ «սուրբ» բառի «ս» տառը, որը նկատելիորեն հեռու է «ուր» փակագրից (նկ. 2), պետք է որ կազմեր իրեն նախորդող մեկ այլ բառի վերջի մասնիկը «չ» տառի հետ միասին, հավանաբար կապված «խաչս» և կամ մեկ այլ բառի հետ³: Եվ եթե

³ «Խաչս» բառը հնարավոր է վերագրել թե՛ տաճարին և թե՛ V—VI դդ. այն թևավոր խաչին, որի մեկ թևը «Մարկոս» արձանագրությամբ այժմ գտնվում է Հայաստանի պատմության պետական թանգարանում:

դա այդպես է, այնուհետև մեզ մնում է վերծանել հիշյալ փակագրի առաջին հատվածը, որպիսին հնարավոր ենք համարում ընթերցել ՈԻՐ՝ որովհետև հայերենում «ՈԻ»-ով և կամ «ՈԻԲ»-ով բառ չի սկսվում: Փակագրի երկրորդ հատվածը իր մեջ ընդգրկում է 4 տառ՝ տ, ի, կ, ն, որոնցից կարելի է արտարել տիկն, տիկին, տնիկ, տնկի և այլն, բայց ոչ մի դեպքում «տնակի»: Փակագրի վերջին հատվածը «տնակի» վերծանելու դեպքում, սովորաբար այն պետք է, որ հենված լինեն «ա» կենտրոնական տառի վրա, իսկ քանի որ տեղում այդպիսին չկա, ուրեմն այդ փակագիրը երբեք չի կարող «տնակի» վերծանվել: Մեզ հավանական է թվում, որ կարելի է այդ երկու փակագիրը միացնել իրար ու վերծանել «Ուրտիկն» կամ «Ուրտիկ[ի]ն», որպես տեղանուն՝ «Ուրտ» արմատով:


Ի մի բերելով մեր դեռևս ոչ վերջնական վերահիշյալ դիտողությունները, նշված արձանագրությունը հնարավոր ենք համարում մասնակիորեն վերծանել հետևյալ կերպ.

«Կողմաս.....շ... [խաշ]ս
Ուրտիկին ողորմեա... Թևողորո
րո [սա]»:

Ինչ վերաբերում է արձանագրության «շ» տառին, ապա կարելի է համարտապատում մի քանի ենթադրություններ անել, բառակապակցելով այն «Կողմաս յաղաթս յիՇև» և կամ «Կողմաս ի Քս Ած յիՇև զեաշս Ուրտիկին...», բայց բոլոր դեպքերում դրանք կմնան միայն ենթադրություններ ու պատումներ:

Այսպիսով, թեև արձանագրությունը ըստ երևույթին շինարարական բնույթ չունի, բայց և այնպես ժամանակակից է հուշարձանի կառուցմանը և անուղղակիորեն կապված է նրա շինարարության հետ: Որ Կողմասը տաճարի շինարարության կամ հովվության հետ կապված երևելի անձնավորություն է՝ այդ մասին տարակարծություններ չպետք է լինեն: Օձունի տաճարի արևելյան պատի վրա, հիշյալ փակագրված արձանագրությունից անմիջապես ներքև, «Ուրտիկ» բառի տակ միակտոր քարի վրա փորագրված է մի խաշ և պատկերաբանդակ՝ Մարիամ Աստվածածինը Հիսուս Մանուկը գրկին (նկ. 3):

Արդ՝ հարց է ծագում, ո՞վ է Օձունի տաճարի արևելյան պատին փորագրված արձանագրության Կողմասը: Այն չի կարող տաճարի շինարար-ձարտարավետը լինել: Ինչպես որ, օրինակ, էջմիածնի Հովհաննես տաճարի «ՔՍ ԱԾ յիշեա զԿոմիտաս հայոց կաթողիկոս՝ շինաւ սրբոյ Հովհաննէի» արձա-



Նկ. 3

նազրությունից չենք կարող ենթադրել, թե Կոմիտաս կաթողիկոսն է եղել հուշարձանի շինարար-ձարտարապետը, այնպես էլ տվյալ ղեկըրում նման ենթադրությունը հավաստի չէր լինի, անդամ էին Օձունի արձանագրության մեջ «շինադ» բառը լինելու Իսկ ինչպես նկատեցինք վերևում, Օձունի հիշյալ արձանագրության մեջ ենթադրվող «շինադ» բառն էլ չի հիմնավորված:

Համոզեցուցիչ չէ նաև այն ենթադրությունը, որ «Օձունի եկեղեցին նվիրված է եղել Թեոդորոս Տյուրոնին», որովհետև վերը նշված փակագրի տակ պատկերված է եղել Տիրամոր պատկերը և ոչ թե Թեոդորոսինը:

Հնարավոր է, որ նախապես Օձունի տաճարը կոչված լիներ ս. Աստվածածին: Մակայն նույն տաճարի վրա փորագրված XIII դարի մի արձանագրության մեջ այն կոչված է Ս. Նշան⁵:

Իհարկե, դժվար է վերջնականապես պարզել Կողմասի, ինչպես նաև տաճարի հարավային բարավորին փորագրված արձանագրության՝ Թովմասի անձնավորությունների հարցը: Բացառված չէ, որ Կողմասը կարող էր լինել Օձունի տաճարի բարերարը և կամ առաջնորդը, իսկ Թովմասը՝ նրա շինարար վարպետը, որպիսին չէր կարող չնշվել, երբ հուշարձանն ունենում է շինությունից ժամանակակից խոշոր և զխավոր արձանագրություն, ինչպիսիք հիշատակվում են Հռիփսիմեի, Մաստարայի, Սիսիանի և այլ հնագույն տաճարների արձանագրություններում:

Այժմ երկու խոսք Օձունի Կողմասի մասին:

«Գիրք թղթոցի» 606 թ. մի փաստաթղթում հիշատակվում է Հայաստանի երեւելի հոգևորական գործիչներից ոմն «Կողմաս Ուրդայ»⁶: Թե ի՞նչ կապ կա Օձունի և Ուրդի այս Կողմասների միջև՝ ստույգ հայտնի չէ: Միայն ենթադրական համեմատություններ կարող ենք կատարել այդ առթիվ: Մեր կարծիքով, այդ հարցին կարելի էլինելու պատասխանել, եթե մենք կարողանայինք պարզել Ուրդա եկեղեցու կամ Ուրդի տեղագրությունը: Գ. Հովսեփյանը հակված է ենթադրելու, որ Ուրդա եկեղեցին Աշտարակի շրջանի «Իլան-չալան» (այժմ՝ Արտաշավան) գյուղում պետք է գտնվեր: Բայց բանի որ այդ ղեկըրում Ուրդա եկեղեցին առնվազն VI դարի խոշոր շինություն պետք է եղած լինելու, իսկ այդպիսին չկա տեղում (եղածը VII դարի կենտրոնադմբեթ մի մատուռ է), ապա այդ ղեկըրում հնարավոր է դառնում Ուրդը կամ Ուրդա եկեղեցին փնտրել Հայաստանի մեկ այլ վայրում:

Հաղրատավանքի 1273 թվակիր, հայտնի խաչելության խաչքարի արձանագրության մեջ խոսվում է այն մասին, որ ի թիվս այլ բնօրինակների, Տեր Հովհաննեսը կազմել է տալիս «զմեծածախ պահարանն Ուրդաձորո սուրբ Նշանին» ու նվիրում Հաղրատի վանքին⁷: Թե Թումանյանի այժմյան շրջանի ո՞ր մասում է գտնվել այս Ուրդ-Ուրդաձորը, հայտնի չէ: Այն հավանաբար այս վայ-

⁴ Տե՛ս Գ. Մ ու Ր ա դ յ ա ն, նշվ. աշխ., էջ 74:

⁵ Օձունի տաճարը, XIII դարին վերաբերող մի արձանագրության համաձայն, կոչվել է Ս. Նշան (առնում ենք մեր հավաքածուից): 1964 թ. մեր կողմից հավաքված են Օձունի տաճարի բոլոր արձանագրությունները:

⁶ Գ. Հ ո Վ ս ե փ յ ա ն, նյութեր և ուսումնասիրություններ, պրակ Գ, էջ 20:

⁷ Տե՛ս Կ. Ղ ա ֆ ա դ ա Ր յ ա ն, Հաղրատ, Երևան, 1963, էջ 194, 213, 284:

րերից հետո չպետք է դադարի։ Այդ իմաստով իսկապես շահեկան է դառնում Օձունի տաճարի տրեւելյան պատի հիշյալ արձանագրության «Ուրտ-Ուրտիկը», որն էլ ամենայն հավանականությամբ «Գիրք թղթոցում» հիշատակված նույն Ուրդն է և կամ Հաղրատավանքի վերը նշված արձանագրության Ուրդ-Ուրդա-ձորը։

Այդ դեպքում հարց է ծագում, թե ո՞րն է Ուրդ-Ուրդաձորի Ս. Նշան կոչվող եկեղեցին։ Թումանյանի շրջանում (Հաղրատ, Հոռոմայր, Մաթեր) կան մի շարք եկեղեցիներ՝ Ս. Նշան անունով, բայց դրանցից ոչ մեկը V—VII դդ. կառույց չէ, հետևաբար չի համապատասխանում «Գիրք թղթոցի» Ուրդա եկեղեցուն և Ուրդին։ Ինչպես նշեցինք վերևում, Օձունում ցարդ աննկատ մնացած և մեր կողմից հավաքված մի արձանագրության մեջ տաճարը կոչվել է «Ս. Նշան», հավանաբար պրոֆեսոր Գ. Նաթագարյանի «Հաղրատ» աշխատության մեջ հիշատակված նույն ինքն՝ Ուրդ-Ուրդաձորը Ս. Նշանը։ Այս բոլորից էլ հնարավոր է դառնում ենթադրել, որ «Գիրք թղթոցում» հիշատակված Ուրդը կամ Ուրդա եկեղեցին նույն Օձունի տաճարն է և կամ Օձունի նույն «Ուրտ-Ուրտիկի» (հաշ) եկեղեցին (որովհետև «Խաշ» նշանակում է նաև նշան), իսկ «Ուրդայ» Կողմասն էլ՝ նույն Օձունի արձանագրության «Ուրտ-Ուրտիկի» Կողմասը։ Վերջինս որպես Հայաստանի երեւելի հոգևորական գործիչ՝ հանդիսացել է Օձունի տաճարի հիմնադիրը կամ առաջնորդը, որը և ստորագրել է 606 թ. Աբրահամ կաթողիկոսի օրոք կազմված ձեռնարկի տակ։

VI—VII դդ. դժվար թե հայոց մեջ այս ոչ շատ տարածված Կողմաս անունով նույնանուն, երեւելի հոգևորական բազմաթիվ գործիչներ լինեին։ Ուշագրավ է, որ այս երկու Կողմասներն էլ VI դարի գործիչներ են, որպիսի հանգամանքը խոսում է այն մասին, որ այստեղ մենք գործ ունենք միևնույն անձնավորության հետ։ Ուրդա կամ Ուրտիկի Կողմասը Օձունի տաճարը հիմնած և այնտեղ պաշտոնավարած կարող էր լինել VI դարի 60-ական թթ., երբ պարսկա-բյուզանդական հաշտության բանակցությունների հետևանքով առժամանակյա խաղաղություն էր տիրում Հայաստանում։ Իսկ Օձունի տաճարի շինության ժամանակն էլ VI դարից ուշ չէ, ինչպես ենթադրում է վաստակաշատ գիտնական Գարեգին Հովսեփյանը⁸, որը հանգամանորեն ուսումնասիրել է հուշարձանի կառուցվածքը և ճարտարապետական առանձնահատկությունը։

Օձունի տաճարի շինությանը ժամանակակից արձանագրություններն իրենց գրչությամբ, հնագրությամբ և նույնիսկ փակագրության յուրահատուկ ձևերով ավելի հնաբույր են, քան Եղվարդի, Հռիփսիմեի, Մաստարայի և այլ հնագույն արձանագրությունները։

Այսպիսով, թվում է, թե ավելի որոշակի են դառնում Օձունի տաճարի ինչպես անունը (Ս. Նշան) և շինության ժամանակը (560—570), այնպես էլ տաճարի հիմնադիր կամ առաջնորդ Կողմասի անձնավորության ինքնությունը։

8 Գ. Հովսեփյանը Օձունի տաճարի շինության ժամանակը նշանակում է V դարի վերջը և VI դարի սկիզբը (տե՛ս նրա «Նյութեր և ուսումնասիրություններ...», պրակ Գ, էջ 38)։ Պակաս կարևոր չէ նաև այն հանգամանքը, որ այստեղ, Օձունում պահպանվել է V—VI դդ. արձանագիր և զեղաքանդակ թեմալոր մի խաչի բեկոր։

О ВРЕМЕНИ ПОСТРОЕНИЯ ОДЗУНСКОГО ХРАМА

А. Н. ШАГИНЯН

(Резюме)

На восточной стене Одзунского храма имеется надпись плохой сохранности в одну строку, высеченная крупными буквами, среди которых имеется до сих пор не расшифрованная лигатура. По нашему мнению, лигатура читается ՈՒՐՏԻԿ—Уртик, название местности. Это помогает прочесть и осмыслить текст надписи: «ԿՈԶՄԱՍ..... Շ.. [ԿԱԶ]Ս ՈՒՐՏԻԿ[Ի]Ն [ՈՂՈՐՄԵԱ... ՔԵՒՈՂՈՐՈ[Ս Ա]], «Козмас..... ш.. Крест Уртика помилуй... Теводора».

На основе изучения палеографических особенностей надписи и сообщений древнеармянских авторов выясняется, что Одзунский храм был построен в 560-е годы. Он назывался «Ս. ԿԶՄԱ», а его основателем или главным настоятелем был Козмас.